

野雀齋傳奇秘本

化人遊詞曲

嘯臺新詠

化人遊詞序

暑氣如蒸○忽作赤脚層
冰想使人○意冷○客况如
秋○忽讀化遊詞○使人○意



熱○曾○中○有○此○副○本○領○便
是○淵○明○乞○食○真○卿○借○米○
杜○陵○未○到○彭○衙○時○索
盤○飧○不○可○得○不○能○禁

吾○游○之○不○暢○也○文○詞○奇
幻○選○艷○微○豪○驚○心○動○魄
遂○令○青○鞵○布○襪○興○十○洲
平○分○千○古○眉○衛○人○李○公


子傳後久不見此想頭
矣卓老云作西廂幽閨
者必有大不得意於君
臣朋友之間此語情至

殆索解人不得舉似化
游○人○當○知○其○非○悠○之
論耳

丁亥夏日淮南芝麓

主人饒鼎彝題于

海陵寓園



總評

化人遊非詞曲也。吾友某渡世之寓言。而托之乎詞者也。世不可以莊言之。而托之于咏歌。咏歌又不可以莊言之。而托之于傳奇。以為今之傳奇。無非士女風流。悲歡常態。不足以發我幽思幻想。

故一托之於汗漫離奇狂游異變而實
非汗漫離奇狂游異變也知者以為漆
園也離騷也禪宗道藏語錄也太史公
自叙也斯可與化人遊矣

順治戊子萊陽王叔甫宋琬題



化遊詞粧扮脚色

成連

春秋人以琴化師襄入海仙去宜道服黃冠手持塵尾扮外

何生

宜道暹中髦衣扮正生

左慈

三國人以幻術傳宜道服繫絲髻頭陀赤面揮塵扮大淨

王陽

漢人以點化傳宜小方巾道整駝背藥葫蘆花臉扮副淨

屈原

列國人楚大夫宜官帽青袍銀帶扮末

李太白

唐人翰林士以詩名宜白面長鬚唐進士中宮錦袍扮小生

杜子美

唐人以詩名官至拾遺宜角巾素服扮末

曹子建

魏人魏武胄子以詩才稱宜金束髮冠綠錦袍扮小生

劉公幹 三国人建安詩人與曹同名

東方朔 漢人服繫絲白鬚扮外

陸羽 唐人善烹茶蘇州清

崑崙奴 唐人劇赤面虬髯扮大淨

易牙 春秋人善主飲食以知味稱

西施 春秋越國人吳王姬宜蘇

趙飛燕 漢成帝妃宜艷粧

張麗華 陳後主妃宜艷粧

盧莫愁 杭州妓粧舞住西湖善歌舞

薛濤 成都妓善詞賦宜

桃葉 晉王獻之妾扮小旦

凌波

龍王 宜金僕頭末

鯨精 宜黑面赤髯戎服念甲

蝦婆 宜花臉高髻

橘中老人 宜黃冠

什...

化人遊詞曲目錄

第一齣

買舟逢幻

第二齣

徵友追姝

第三齣

仙舟放遊

第四齣

吞舟魚腹

第五齣

幻中訪幻

第六齣

舟外尋舟

第七齣

再晤仙源

第八齣

知津得渡

第九齣

龍會仙筵

第十齣

舟歸蓬海

化人遊詞曲

野航居士漫著

開場詞引

滿庭芳副末道中彩服上。花落春歸。鶯啼月缺。消磨白髮。秦宮漢闕。丘隴漫荒烟。鉄馬金戈。日月困英雄。行樂當年。跨驢背。西湖沽酒。來問化人舡。○子虛應有賦。何生問渡。得遇成連。更仙俠名友。世外婵娟。湊出千秋聲色。海天空鷲。起龍眠。魚腹中舟歸蓬島。爛醉任桑田。

何野航放情江海

訪瓊花遍集名流

出造化丹成魚腹

返蓬壺龍會仙舟

第一齣

買舟逢幻

北點絳唇

淨道粧揮塵上

幻海仙濤雲愁天咲

丑扮漁翁上漁

翁好一葉逍遙

看花滿桃源棹

淨瀛海蓬壺不可尋浮雲落日

等閑沉

丑俺漁翁從出桃源路一葉扁舟自古今淨自家東

海琴仙成連是也自周末秦初抱琴入海久住蓬壺遂成仙

道因見弟子師襄凡骨未化天籟難傳俺曾用風雨呼吸之

術移其情性點化凡胎因而仙去俺自經春秋至今二千餘

年隱居不出俺欲將此琴携往人間普渡俗子爭耐世人障

累已深，劫未滿，是好苦也。今在山頭遠遠望見青氣一道，有一異人何生，來此賃舟訪仙海上，不免喚武陵漁人玄真子出來，扮作賃舟船子，將他接引一番，使其遍閱古今之美，窮極聲色之樂，然後息其狂性，復返仙真。有何不可？漁翁那裡？
〔丑〕舟從春水分，今古人間。桃花失漢秦，仙長拜揖，有何使令？
〔淨〕你與俺扮作漁翁，駕一仙舟，停泊海岸，今有遊客何生，大有仙緣，你須極力接引。凡有希求，必當如意，不得以俗流眼孔輕待高人。一言未盡，遠遠望見何生來了。
〔下〕

前腔 生野服上 四海遊遨風簑雨帽，知音少，短劍蕭騷。咲蠟屐

把滄桑老，生短衣斗笠道人裝。雲水烟霞共一囊。不是求仙逐藥女，何因避地得漁郎。道從妄想，參成悟骨，有奇緣畢竟狂。大造着容，收得轉合，將今古入歡場。自家姓何名皋，表字野航。本貫浙中吳山人也。生來志不猶人，氣能蓋世。十年花筆，夢江淹，徒愧知名雞社；千里芒鞋，尋馬史。但令寄迹鷗盟，黃石林間，秘授竟失仙期。青萍幕下，談兵堪羞吏隱。但世人本是一樣，密糊糊的眼界，空勞遍訪高人。天下無非一片亂昏昏的排場，何苦獨尋樂地？只是懷古情深，恨不起英雄於締上，遂使憤時腸熱，覺難容骯髒於人間。何生何生，你好是也。

只今雄心未死。國士投人。逸興難消。名花着想。便欲狂遊。江
海遍集英流。但苦繩床金盡。結客無資。瓦缶酒空。徵歌不韻。
行來東海。必須先得一舟。覓得數個同志。方好遠。遠望。是漁
翁來也。

新水令。生水。烟花雨亂。征袍望扶桑。風雲不到。紅塵如幻。蟻青
史似迷蕉。決志逍遙。變古今一場好笑。倦何生。蕭蕭孤劍。邁邁
長途。一雙看風氣的眼睛。一副共死生的肝胆。難道一個奇
人也。遇不見了。可嘆也。

駐馬聽。生落落吾曹。南北飄零。鬢髮消。淒淒長嘯。徘徊江海。覓

漁樵。把蘆廬。只當做一鴻毛。那卽卽不是當初道。望浮雲故國
遙。想武陵未必有漁郎。棹。丑扮漁翁駕舟上。家住武陵側。來往

武陵客。同是秦源人。何事不相識。生漁翁我問你。這個舡還
是自家坐的。還是渡人的。丑漢子自坐的。怎麼說。渡人的怎
麼講。生你若自坐的。只在這岸邊釣魚。押鷺。完你自己的
勾當。不肯出門。若是渡人的。便認不的自己家緣。定不就自
己的口岸。接引同流。大行方便。但講就了舡錢。便三河五湖
任意遨遊。明月清風。取之無盡。丑這等看來。我是渡人的了。
只是一件。近來遊客甚多。把一件好好家事。丟的七零八落。

連本錢都是丟吊的。漢子這缸有些好處。聽我道來。

混江龍丑你看風翻浪高黑騰騰百丈一孤橈。馮夷掀舞河伯
狂號。殘夜紅生千古日。桑田雪壑萬層潮。說甚麼妖螭怪蟒。毒
蠍狂蛟。俺自有穿波鉄柁。到岸銅篙。櫓分山自轉。帆定浪難搖。
風起仙人吹鉄笛。月明龍女送鮫鮓。猶難道。那怕他風吹八面。
一任你路入三茅。生好大話。你這艚子到也去得了。還有一件。
只是我要幾個好朋友。纔去得。如今世上找不出這一班人。
來。想你也知海邊異人住處麼。

油葫蘆丑你道是富貴名場勢與豪。不堪招要一班呼風唾月

的半仙標。烟霞氣格冰霜操。都要揮毫縱酒元龍傲。就教俺傳
書致柬也尋不到芙蓉城路遠。遙蒿里山魂縹緲。你不怕詩仙
才兒相顛倒。俺教你一棚兒對面與古人交。生小生詩酒情豪。
江湖興遠。若不載名姝而列鼎徵歌。未免賦窮愁而悲風吊
月。此遊亦覺索然。况我這一班高興的朋友。俱是富貴權生。
來。聲歌中煉出。還要一班兒絕代佳人。幫撮出無窮興致。不
知艚子可能尋得否。

天下樂丑說甚麼青鳥飛瓊把阿母招。一個個擁仙幢霞帔飄。
改不了饒眼睛戀色皮毛。俺自有徐洪客續鳳膠。李夫人還魂

樂不教你冷冷清清念楚騷。一言不盡又有兩個起艇來。

番卜筮淨扮左慈上普世黑烟飄一道靈光耀丑扮王陽驍背

藥葫蘆上人間點化幾千遭。打夥兒把藥爐踢倒淨一氣飲

洪濛大幻本無幻丑不要煉汞鉛真鉛原不煉淨王先生你

我奉上帝勅旨接引何生出世。遠遠望見與一漁翁扳話想

必就是不免前去起艇就中點化漢子請了。這艇上可肯帶

人麼。我們是起艇去的。生二位先生上姓。淨貧道姓左名慈。

四海無家不知貫籍。丑小生姓王名陽頗知丹道出入水火。

生這等看來二位一偈雲水一個江湖非賣藥成都即安爐

燒煉我艇上用不着的。我們是世上一等狂脚漢。專要尋這

一點沒搭煞人來打夥上艇。或三江四海五岳十洲任意遊

上三年五載必有奇遇。你二位各有要緊事請自方便不敢

相留。淨好咲好咲。你到去的。我到去不得。只怕我到去得。你

到去不得。生這兩句怎麼講。淨先說你去不得你聽。一望天

風黑浪滔滔弱水無垠。鯨魚巨腹把船吞。列位如何投奔。飄

去他鄉外國。艇上無米無銀。仙艇豈肯載凡人。未免先往鬼

混。生請問再講。你便如何去得。淨一口吹平大海。兩脚踢倒

崑崙九州走遍未黃昏。驅鬼飛符搬運。丑手拈丹砂一粒點

成萬兩黃金。從君分贈幾千人。行到天邊不困生。如此看來
一位先生便是異人。小生有緣相遇。便請登舟。再議選客徵
歌之事。淨先生放心。俱在我二人身上包管。生淨丑作上船

科

淨寄生草。罡風暗野哮。劫火燒山倒。何生你看天地在玄海中

瀛海又在天地中。就是四大部洲。也只是海中粒米。堪笑世人
豈非醜雞芥蟻乎。把人間當作蜉蝣。把兵荒看做烟雲。把
乾坤認做浮漚泡。一任他六鰲翻眼斗星移。俺只當浮鷗振羽
燕青咲。淨選客徵歌。定於何日。大家分頭去請。以便登舟長往。

生正要借重。淨這等看來。舟子與王先生往迎。諸客惟有隔代

仙妹位尊品貴。非我與先生自迎不可。

賺尾 生淨合唱。精神百代交花月。千年貌他都有脫輪迴。仙梳

奧妙平生節義全。忠孝映星辰。不過如謫籍還朝。潛居列曜。一
般兒乘風御氣。迴鸞導把瓊閣私敲。瑤笙夜邀。又何勞金屋貯
阿嬌。

丑得遇真船便可行。生長江巨浪一時平。

淨鱸魚何羨秋風客。丑一片紅霞近赤城。

何生說如今世上找不出我這一
班人來此語真可痛哭。必做
紀文論

吳陵陸玄外評

第二齣

徵友追姝

夜遊宮

貼旦扮桃葉凌陂上貼銀海玄霜月冷透冰壺紫閣雲

屏

小旦青童遲鶴信霞遠波明拂晶簾燒桂屑藥珠宮貼旦仙

幘生寒淡月光白鵬起舞不成雙碧天青海好思量小旦天
上無期星不渡人間有路夢還長桃花何事魅阮郎自家仙
女桃葉凌波是也自解世緣魂歸丹旛雖不能正位鸞宮亦
時許隨班鳳輦素娥有令仙籍謫凡未免真鉛漏擷但係前
朝妃嬪原是天上仙姬劫盡回天仍歸本位自飛天後甲子

已巡不知下界幾千載也。今奉王母勅旨，衆仙妃有仙舟一會，接引群真，笑俺功行一紀，但不知下界有何人堪渡。一言未盡，趙娘娘與陳貴嬪來也。

懶畫眉小旦扮趙飛燕碧天光碎，細波輕鷺，佩風搖禹步聲。俺

還想漢宮秋色似瑤京小旦扮張麗華上分明玉樹風前並結

綺臨春，明月中，娘娘見禮小旦趙貴嬪到來今奉仙旨東行，與

西施娘娘同往，久不見到你，看彩雲開處，鸞鶴飛鳴，定是吳家尤物來也。

前腔旦扮西子上冰綃剪破玉天空，素影玻璃，麝不鳴，湖光疑

是泛舟行小旦扮趙唱你亭蘿人，逐花埋，逕却使吳越啼鵲怨。

不平且作怒科趙娘娘因何見嘲，俺夷光雖墮落吳宮，初盟未

爽，再興越國，辭爵歸湖，女德雖微，士林頗重，豈似你聚麀合

德，刃墮嗣胎，遂使哀元以後，漢祚不求，獨不愧燕啄皇孫之

謚乎！兀根不脫，盛氣相加，是何道理小旦偶爾相戲，有犯仙

慈，萬乞恕罪。張前愆舊累，動隔千年，再屬糾纏，仙家所忌，况

奉令東行，各欽道範，又有薛盧二位仙官，至今未到，可飛一

鶴呼來，與之偕往，只見下界烟開，金光一線，想有異人誘引，可且迴避者。

前腔淨上一天露氣隱芙蓉。只見沆瀣朦朧下界星。生忽聽得。

桂香深處奏瑤笙。左先生為何一路行來雲氣濛濛星光隱隱

花香韵美仙樂風飄。是何世界也。淨天機且秘不得輕言。俺把

金環剥啄敲青鳳。還怕驚吠仙厖。花下鈴。淨敲門科。蓬萊散吏

左慈遠來稽首敬頌通報內應科。三日前已有旨了。因有高

人同行。几氣尚重。不敢相款。請回罷。生如此我們只得回罷。

淨還有三十六宮仙官。盧薛二仙在東廊下。轉去親請。請慎

重些下。

前腔貼旦扮薛濤上瓊樓花氣黛鬟鬆。蜀錦箋裁寫玉清。小仙

乃薛濤是也。小旦小仙乃盧家莫愁是也。六橋風月冷秦箏。科聽

淨一散吏左慈遠來稽首。小旦合唱。是何人浮槎誤入游仙夢。

你道俺不日乘鸞下玉駟。小旦丑扮王陽持包上。有金能買

才人活。無藥難醫俗子貧。俺小子因何道這兩句。俺王陽自

經太行山險。悟破迷途。漢室掛冠。飄然遠引。後遇異人傳以

黃白內外之術。因而不死。被武帝這老兒要求甚麼神仙奇

藥。把俺囚禁獄中。要此真丹。被俺用遁法走脫。今奉命往迎

漢唐以上高人。共助仙遊一會。不過是曹劉李杜。久占瀟社

詩壇。這一起人原是死不得的。你說那一個見我王陽白手

點金手段。不是喜得。不說別人。就是李太白素負才名。他
一。金裘將出沽酒。杜子美窮措大。囊中一錢。越是窮氣難除
的。就東方朔與侏儒爭米。易牙以口腹事人。那陸羽雖吃
杯好茶。越是蘇州空頭。我片慣會馬扁的了。不怕他不敬我。
[出金科]他看我這赤金一定。丹砂一斗。就是一座石山。頃刻
變為金穴。以此衆客見我聞風而至。俱是要打我抽豐得。遠
遠見衆客來也。小生扮曹劉李杜未扮方朔陸羽爭扮易牙

上衆仙奉音點化仙舟。須索走一遭也。

二犯江兒水。李天門供奉蕭索了天門供奉。仙風環珮冷。劉正

人間燭火。天上沉日。劫灰重丘陵。聳曹洛浦賦空神。朔霜沉長

樂鐘。李我想漢唐諸君子。或被黨錮之禍。或遭兵燹之危。到不

如你我身名尚自无全。只道是浮雲泡影。終於幻化。誰想慧業

生天果有今日。杜夜即蠻境。生蜀道番叢。李醉淋漓問誰行將

宮硯捧。朔栢梁故宮。那裡是栢梁故宮。李昭陵新隴。何處是昭

陵新隴。合嘆浮生倩金仙把甘露繫。下

前腔。旦扮西施小旦扮趙飛燕張麗華貼旦扮盧薛桃葉凌波

旦瑤臺侍從。枉自說瑤臺侍從。昭陽春夢醒。想錦帆草碧金屋

花穠響。廊苔泉迸。小旦趙嬌舞掌中輕。小旦張景陽兵火空

俺想古今以來。傾城破國俱由我輩九人。後來國家難起。玉碎
香殘。還是我輩先受其禍。只是鬪寵爭妍。事不自由。好苦也。張
銀餅沉井。趙玳燕隨風。六朝烟說甚麼。把金翠漾。薛錦宮綵繒
再休想錦宮綵繒。盧章臺路逕。何況是章臺路逕。合渡銀河。哄
黃姑幾度迎。貼旦稟娘娘已離天界。漸近凡塵。我們羽化之身。
不宜再臨人世。只好借一仙舟。共登彼岸。旦下

卜筮子。淨扮崑崙奴戎服帶劍上。一劍吐虹霓。千里須臾至。人
間多少負心兒。洩不盡英雄氣。鉄壁銅牆劍氣通。來無踪影去
如風。雖然不見人頭落。一點紅光在手中。自家劍客崑崙奴

是也。俺自郭汾陽府中。擊死神葵。救了那生夫婦。隱身而遁。
今見唐家社稷已非。黃巢作亂。隱居東海。煉息椎心。方成正
覺。今有何生邀會群仙。以成快遊。何生何生。你不知世間只
有清福難享。奇遊易敗。你今聚數千年英俊名姝於一席。必
生魔難了。俺崑崙奴寶劍在手。能水斷蛟龍。陸誅魑魅。不免
來此護他一番。全他美事。有何不可。遠遠見何生來也。

夜行艇生同淨丑上千古快遊今足矣。似仙槎泛斗浮磯。淨丑

夢裡金蘭。圖中花月。何幸同舟共濟。生左先生。你看海上蒹葭

滿目。鷗鷺浮波。天水一色。微風不興。是一派好景也。只是羨

人住客一時不到莫非如游仙之夢竟成恍惚淨說那裡話
遠遠天邊一隻蓮舫一隻畫舫想必到也下

普天樂生小生外末雜隨艖手上生落霞紅羣峯翠白練光浮

天地蓬壺外蓬壺外隱見丹梯望齊州九點烟迷合呀看水天

一色憑虛細霧霏想海畔孤帆縹緲縹緲望斷人歸何先生請

了內云客席未完不敢輕見請暫停舟下

前腔旦貼小旦雜眾扮艖手同上膩香明濃髮細珮玦輕飄雲

恍闌風起闌風起生怕驚吹簇凌波鳧鳥差池合呀看水天一

色憑虛細霧霏想海畔孤帆縹緲縹緲望斷人歸貼眾仙已到

請主人迎接內云客席未完不敢輕見請暫停舟下

須知追艷一段俱是游仙詞

一點油粉氣用不得中間

嬌出脫甚妙

眾客各開生面廿代年譜

一語寫出良工苦心矣。王陽
金多。扮花。膽毒。口欺。李杜。
自是世情。又說李杜。此輩
原是死不得的。好語入微。

第三齣

仙舟放遊

〔丑扮舟子上〕千丈艚艚百尺蓬。一帆高掛海天空。醉眠一任
風吹去。只在丹山碧水中。倦漁翁來此與何生駕舟。邀請高
人絕色。泛海狂遊。今日諸客俱到。風動開舡。不免將海中光
景與舡上筵席。細說一番。只見碧澄澄萬頃清波。綠沉沉一
天。綵練扶桑生火鏡。只在三更四更。金盆內捧出萬朵赤芙
蓉。渤海浴冰輪。不論上弦下弦。翠被裡飛來千條金翡翠。天
際青山隱隱。三點兩點。猶如鏡裡玻璃明。波中白鷺翩翩。十

群五群一似盤中金粟躍。鰲魚翻背。霎時間波騰海沸湧出。
一座瀕彌山。却原來是一條骨脊。鵬鳥伸頭。忽然間日暗天
昏。遮了九曲星宿海也。只是兩片毛翎。且休說海中變化。只
講這舡上風光。說甚麼桂棹蘭橈。也不羨鷓尾雀舡。三重樓
閣。四面環廊。分明是隋煬帝百尺龍鳳艘。只少了殿脚女唱
月謳風也。不讓木元章書畫舡。何用那平頭奴。烹茗滌硯。只
此舡中舖設。席上烹調。今古無雙。天人少見。錦氍毹齊舖坐
墊。艙中盡燃碎塵香。水晶簾徧掛瑣窓。几上橫陳冰繭。席梨
園歌兒一部。牙簫檀板。聽不盡宛轉歌喉。教坊女樂。今

瑟筵篔簹。畫不出低回眉黛。酒浮醴醕。杯沉琥珀。漏金光。茶碾
龍團。鑿泛松風。吹雪乳。吃的是麟脯鳳鮓。熊掌豹胎。易牙香
內烹調。不數石家蒸乳美。用的是江蓴海菜。福橘松鱸。元放
袖中運出。何勞馬上荔枝來。一任他朝風詠雪。那管他山窮
水盡。一言未盡。何生來也。

卜筮子小生外末雜隨上似夢憶曾遊。隔代還相遇。旦小旦貼

旦衆上仙凡乍見尚羞疑。巾袂烟霞氣。小生奇人相遇。不用世

法。只一長揖。分班而坐。生多謝了。生與小生共揖。且小旦科
生與小生外末淨共揖。科生簡編相遇。夢寐瞻依。天假奇緣

何期覲面小生先立夙世之奇才某等當年之聲氣隔代雖
 遙同席可接生不敢丑轉身揖衆旦科小生夢懷萼綠神切
 羅浮敢依雲漢共觀瓊花何勝感仰旦小旦妾等湘皋舊珮
 晚圃遺蘭久絕世緣忽逢高雅但恐巾烏紛紛有乖道範生
 說那裡話小生賦性雖狂執禮惟謹既入春秋之盟漢家自
 有制度便請登舟無妨促膝內奏樂科船子搭扶手衆作上
舡科淨扮崑崙奴上你那些衆客們不着我崑崙奴只怕你
 去不得你看重重黑浪滾滾狂風不有力士護舟必有魚腹
 之禍淨扮左慈說得有理說得有理既是劍客崑崙久聞大

快便請同舟生讓淨過舟科執此便行生且作兩班對立科
內奏樂衆行科生水作冰壺月作舡小生名花酒客與詩仙
旦五湖不用尋初約杜三島方知有舊緣小旦紫燕秘消炎
杜水盧薛青鸞啣出錦城箋外年來遊戲成三昧丑淨囊裡
 青山自有錢淨好個囊裡青山自有錢不如乘風早放舡開
舡罷掉歌開舡科

梁州序生玉繩界碧冰紋蹙翠花浪風翻濺挾波搖月動一天
 鷗鷺驚飛小生見扶桑影暗暘谷光生閱盡人間世外俺欲騎
 鯨歸去也舊瑤池不問昆明有釣磯合今古變隨潮異桑田滄
 化入在

海須臾裡。但浮白休辭醉。內奉樂送酒科生可問左先生有松

江鱸魚江南鮮橋取來佐酒內應科有了

前腔旦銖衣香細。細鴉雲起。水氣涼生。釧臂冰肌雪骨。玉釵影

動琉璃。薛盧二妓你可與俺歌一曲。進先生酒。貼旦想西湖春

恨南國秋悲。花草吳宮閉。旦凌波桃葉。你可舞一會。進先生酒。

貼旦作舞科。鮫綃輕逗也。掌中吹。化作仙霞片片迷。合前生酒

行數觴。未盡舟中之樂。可使陸生煮江南第一泉。烹小龍團。

大家聯句。如詩不成。有金谷之罰。例在小生願領教。五言之

體。始於建安。子建前矛可也。諸君後隨。曹停舟泊桂渚。冉冉

起烟霧。杜天風生。夜寒荷衫滴清露。李醉把素娥衣。遺我二

白鹿。旦歲稔瓊樹枝。燁華不復顧。桃葉金屋留餘暉。凌波瑤

臺敬開步。盧雲貼熨鷗天。薛波漩知魚路。劉承露翁仲疑湖

偷桃阿母怒。慈盞化兩白鳩。陽爐燒一黃兔。生醉眼看三山。

仙橋已可渡。肴酒來。陸生煎茶。易手司皂。崑崙主令。俱不入

聯。各罰三大觥。太白不免踈狂。素娥之衣。豈可把乎。畧犯不

恭。罰金谷酒數。可開舡就島中去。

前腔小生取珊瑚鉄網難期。探明珠驪龍不寐。暫投詩飛盞。醉

袖淋漓。李作醉欲扶貼。旦料說甚麼脫靴殿上。賜錦池頭羯鼓

今非矣。杜指李科堪笑狂生無似也。玉山頽莫作巫峽陽臺夢。
裡疑合前生。我聞曼倩先生素能射覆。今可分作兩班。各覆一
物。猜得着的飲酒。請西施娘娘先覆。作拔釵覆科。朝卜科。温
而栗不圓而佩不穎而銳。是玉釵了。出覆大笑科。衆客飲酒。
生請曹先生射覆。丑扮王陽通丹科。外卜科。一而二若其體。
團團灼灼衆所喜。一二者離兌之數。團灼者金形也。是一粒
金丹了。取覆大笑科。衆仙妃飲酒。陽作尋丹不見科。分明一
粒金丹被何人盜去。不免徧搜。作兩邊徧尋科。這些娘娘是
用過黃金得。決不肯藏下金丹。這一起秀才們。就是李翰林

說黃金用盡還復來。也是揮霍的。只有杜少陵專好苦窮。請
開開待我一覓。丑覓不見科。這等還請東方先生一卜。在何
人手中。外卜科。髮而拇飛而入。是左先生運去了。慈怎麼講。
朝先生鬚多而鬢定在左手大指下。淨大笑出丹科。衆大笑
科。大淨扮崑崙妖怒科。今日之遊乃雅會也。若不立一督令
者。則士女紛雜。佯狂取譴。反干天罰。小子願仗劍督酒。以効
劉章之約。生說得有理。即便遵令。

前腔張趙合唱。咲琳琅醉袂牽款舞。翩躚纖腰斜倚。漸釵橫鬢
亂裙烏相偎。盧薛背唱。看銀河一線。碧海千重。雲鎖湘娥泣瓊

臺春盡也。落紅稀。蕭史秦樓事已違。合前。丑扮舟子上。稟相公
這大海是沒有口岸得。如遇北風，就是琉球日本地方。如遇
南風，就吹在青海黑海地方。不是要得，只有東海是一帶仙
山。又有弱水難行，鷲毛沉底，毒蟒蛟蛟圍山百里。所以人不
敢去。如今還是住了，等風罷。慈船子，你只管任風而行，自有
所止。丑如此就不落蓬了。回艙順風外國去。要要去。衆行科
節節高。慈你與俺隨風任所之。掣帆旗，凌虛一息行千里。蛟母
尾蝦師鬢龍孫背水晶宮裡把較人戲。如笙蠅鼓醺醺醉。合。吸
盡東洋水一卮。這番遊客真奇異。

前腔生潮平水似綺，展玻璃，笛聲驚起蒼龍睡。灩澦堆瞿塘瀨。

龍門隘。人間險厄還相似。乘風破浪何足計。合。吸盡東洋水一

卮。這番遊客真奇異。生今日暫泊雲臺，明日順風往東開去，竟

尋弱水便了。

尾聲生滄浪已遂遊人意，也難得這一套異友名姝步步隨。只
怕你仙侶同舟晚更移。

生木蘭之柁沙棠舟。淨玉簫金管坐兩頭。

旦仙人有待乘黃鶴。外海客無心狎白鷗。

放遊為此曲正折。淋漓抗
○ 豕使人起舞如此快遊必
○ 當看吞舟一劫至。○ 脛句射
覆可補入漢唐列傳無

復辭

張詞臣評

第四齣

吞舟魚腹

爭扮鰲精丑扮蝦蟇上。吸霧吞波幾萬年。龍宮吐出老蛟涎。
生來自有吞舟力。不信漁人香餌牽。自家東海鰲精是心久。
服日月之光盤據滄溟之府。噴沫而潮騰海溢。鼓翅而浪接
天高。上帝以我呼吸元氣。坐鎮東瀆。使俺把守弱水。控扼蓬
萊。這蓬萊山上通帝座。下接玄關。是天地之尾閘。陰陽之督
脉。以此萬水來朝。盡皆下陷。過此千里。又復上升。世人不知。
名為弱水。乃玄牝也。上為仙府。下為龍宮。萬竅千門。包羅日

月。泉香似醴。氣煖如春。好咲秦皇漢武。兩個俗子。費了若干財力。不敢近山一步。近聞得有個何生。輒敢狂遊。犯我邊界。又有幾個亡國的潑婦。好事的文人。同來羅皂。我好惱也。叫眾將帥們。你可候其將到。用狂風暴浪。打碎舡隻。漂溺魚腹。有何不可。丑稟大王。我聞何生舡上。俱是異人。或有返風避水之法。反為不便。今有鯨將軍善能吞舡。待何生來時。一口吸入腹中。舟人俱化。豈不妙哉。淨好計好計。正是安排蓋日翻雲手。要捉驚天動地人。下丑扮舟子上。好大風也。好大風也。你看波翻萬座銀山。浪吼千群猛虎。這艫舵皆開。桅竿亂

舞。這舡如何去得。就是仙法難行。休說凡夫未化。相公相公。住了舡東山根下。明日再遊罷。內應這也隨你。

夜行舡 生同淨崑崙奴上 孤艇浮鷗隨上下。向天邊雲水生涯。

爭弱水無垠。蜃宮不測。到此仙凡堪詫。先生一路行來。舟快風

平。甚是可喜。今日風狂浪急。水捲天浮。遠遠望見大山相連。不斷想是弱水了。先生慎重些。生說那裡話。我聞至人。不死大道難聞。今日風濤。正是上仙相試。也未可知。我與你下舡去。開步一番。你看崖根有個釣臺。當此月明。正堪垂釣。不免把竿獨坐。正是未遇真仙傳大藥。先將香餌釣神魚。下淨扮

鯨精暗窺科

南北品一枝花生持竿上只道是凌虛問漢查又誰知泛梗飄

荒野俺只想乘興跨鶴飛到做了玄水弄珠華我想才人一時

意興便如列子御風魯連蹈海也都是枉然那有頃刻凌霄的

實事說甚麼有棗如瓜這都是安期生造作出神仙話歎此身

還是凡胎難化就現成成守着丹容仙娃只怕夢悠悠還做了

瑤池天馬此處水急潭深未必有魚石邊有一小舟水沉必淺

我且上舟一釣入舟科鯨魚窺喜科

梁州第七生我只見浪浮天雷鳴電刮可怎麼怒騰騰沸雪崩

槎作舟行隨鯨魚且前且却科呀呀呀莫不是釣神魚牽動了

鯤鵬駕漸漸隔得我大艇遠了望不見錦帆斜掛聽不見絃管

嘔呀到做了燃犀蛟窟問橘龍衙這艇如何自動一似人牽去

的一般這艇呵未上時只當做虛舟飄瓦上來時化做了毒蟻

含沙鯨魚用口吸舟生又且前且却科生叫科我的昆崙崑也

撇我去了呀呀呀若要上岸時到做了鉄鎖銅枷他便是虛飄

飄千尺洪波壑難道俺熱身軀就變做漚影浮花鯨魚用口吸

舟生又且前且却科生我想衆客同舟仙姬共樂已非一日今

我開步至此全無一知已來此相尋遂至飄零無所衆客你好

薄情也說甚麼鷗盟鷺谷重把文章詩酒都勾罷好教我熱心
腸寒毛乍我那衆仙姬呵也不念宋王襄王何處家一葉天涯
鯨魚再吸舟隨吞入肚下淨莫道口中無造化須知腹內有仙
舟生大叫上天好黑也天好黑也適見一陣雲來只見浪黑
天昏星斗俱滅小生不覺流落此地既失仙舟又墮暗劫不
知何日出頭再見天日我何生好苦也

牧羊關生他暗黑全無日陰幽未有涯你看這峻嶒白骨亂杖
杵怎能勾破天昏撞出光華又不見繩纏鎖亞只俺這肉皮囊
已困在酆都下好一似縮金丹坐化楞伽鬼門關空占卦忽然

又有一陣風來只聽得吹吹打打想此中呼吸有天來大是乾
坤第一家俺小生偶上釣舟流入此國不知是何地方荒烟蕩
漢不見人烟黑風沉沉全無日月但不知我的小小漁舟還
在此否生作摸舡得過科

罵玉郎俺只見蘭漿桂楫尚無瑕橫野渡少波查我待要舡舡
舡再把蓬梳駕說甚麼浪無花天有涯呀呀再休說行舡價
舡既在此不免還尋舊路撐回大海再覓故人即不能前入
仙山也還可不迷舊路作駕舟復止科

哭皇天不能勾泝流光赤壁舡不能勾泛山陰白雪槎俺待要

鑿混沌。超陵谷。閉日月。煉丹砂。呀呀呀。那時節。舡兒人兒不怕。
找尋故道。面目無差。有一日。鯨飛鵬化。俺自能運火生芽。把俺
失餌投竿。一件件說與他。這得是龍宮朗朗。湏不是魚骨巴巴。
生伏側介。淨粉左惹崑崙上。何生大道已成。還不出頭等幾時。
下生。初進此中。只見舡小地寬。今日忽然舡寬地小。如何一
派笙歌。白光隱隱透入。不免將舡負在背上。携舡而走。
尾聲。水窮山盡。舟仍假。鱗介依然。法界除俺。正好穩。孤舟出
海。以。

獨把長竿釣巨鰲

吞舟魚腹轉逍遙

不知腹內乾坤大

能使鯨鵬萬丈高

奴與客靠不到波浪掀天時。迺見
杉。即福即凶。疾用客之不詳。
捨大舟。上小舟。有擇利趨便念。鯨
將軍到笑。

何生大叫天黑。像臘月三十日光景。

拍人。腹中聽得吹打。不是送前害拍。
臨崖撒手。可作寶法會。空翁老。
婆心怕世人。耳根頑鈍。吹打。搬。
演家。此一齋。放下夜壑之舟。可以不。

負。

丘海石評

第五齣

幻中訪幻

金甲絳袍扮魚神上。打開骨脊見天關。萬竅千門咫尺間。
天上尚通星宿海。腹中豈少須彌山。自家鯨魚腹中魚骨大。
王便是俺這腹中別有一國。另具人天。運坎填離。呼風喚火。
超四大部州之版籍。通三天忉利之玄宮。六道輪迴。不離本。
位。九宮日月。自造陰陽。自天一生水。俺即開國此中。溫化相。
生。吞吐萬物。今有何生在此煉道將成。與俺國中不便。不免。
差魚腸劍士。刺殺此人。免傷俺先天元氣。劍士何在。丑扮劍

士上。人知劍似腸。不知腸似劍。惟有水性柔。斷之終不斷。稟大王劍士魚腸聽令。淨。今有何生久占國中。不生不滅。你可取魚腸寶劍三千口。穿其骨肋。化為客塵。不得有違。丑。得令。

下

集賢賓。生上。金波月朗。搖紫宮。孤航兀坐雲叢。潮汐昏朝。隨浪湧。聽天風。環珮玲瓏。真心高映。隱約處雲霞飄動。小生在此不

計年月是好清淨也。魂自醒。是何處滕王風送。靜息一回不免

在此跌坐。生。醒科。丑。扮劍士上。俺奉魚骨大王之令。來刺何

生。只見他金光圍繞。白虹外護。從何下手。不危將劍插骨

中看他法力。用劍遍刺科。呀。只見魚腸寶劍段段化為蓮花

此人道果成也。不免跪拜。作跪科。生。作醒科。你是何魔。驚我

道力。我且問你。此國何名。尚有人跡。你從實說來。免你一死

丑。稟仙長。此乃魚腹之國。寥廓萬里。虛無叵測。只有先年楚

國大夫屈原。寄居此地。已千餘年。此後再無問津之人。仙長

欲見此人。願為引導。生。妙哉。妙哉。我自居此中。最苦無友。既

能同往。便請先驅。共賦離騷。以消孤寂。正是風厚未能搏九

萬波深。且日吊三閭。下

前腔。末。扮屈原上。湘蘭恨渺。烟水空。美人遲暮。難容薛荔。江離。

香自迴渡江干。誰折芙蓉，招魂勞宋。任漁父浮沉，悲痛小生楚。大夫屈平是也。自遭上官之譏，得罪懷王，不忘故國，託志離騷。沉江魚腹，誰想此中世界大勝人間。徒使宋玉招魂，賈誼吊賦。豈知我之大樂在此，不免歌騷一曲，遙憶故鄉。歌曰：皇天之不純命兮，何百姓之震愆。民離散而相失兮，方仲春而東遷。背夏浦而西思兮，哀故都之日遠。登大墳以遠望兮，聊以舒吾憂心。哀舊郢木葉脫，洞庭波淨。生同丑上驚身天黑，通玄極。魚眼波紅，啓絳樓。俺何生來訪屈先生，來此見一所道院，甚是清幽。不免敲門則個。作敲門科。

一江風生是何峯，寂寂烟雲靜。綠樹朱門映，隔波濤一帶，蟹樓曲曲穿溪徑。桃花帶雨濃。又伊人宛在中，正小山叢桂香陰盛。

不上此中，有何人到來，定不凡也。應科來也。

前腔賦湘靈，鼓瑟懷司命。薰帶荷衣靚，泛田風杳杳，雲旗晞髮。陽阿境，蘼蕪掩翠於。又凌雲撫慧星，憶靈脩，解珮誰相贈。歌曰：

寒芳洲兮杜若，將以遺乎遠者。時不可乎再得，聊逍遙兮客與客。目何來，便請登堂者。揖主科，俺屈平久謝人間，卜宅魚國。看君意氣不凡，何以流落此地。生聽小生道來。

紅衲梅生俺不為賦凌雲朝太清，俺不為吊長沙投荒阱。俺只

為泛天河似轉蓬。因此上信浮波。方舟泳。俺也曾訪丹丘親投。

玉杵盟俺也曾問支机共倚嫦娥影。小北放情江海大會異人。

偶爾垂釣墮落此地幸遇先生久居於此特來請教呵你與俺

指迷津再返靈槎也。不教我散漫江湖落客星。重

前腔末俺只道採芳蘭路迷桂樹叢。又誰知泛江舉人阻冰壺。

境不能勾登崑崙食玉英。到做了吊山鬼招魂詠。終日價困深

林日杳冥。空自想駕蛟螭迴天柄。先生久住人間俺離騷九章

已具出世大旨但經生不解此意作文字觀俺和你正好塞

濡足賦懷沙也。那用着角黍龍舟屈平。重俺與先生坐談已

久無酒相款。可問魚腸劍士。你國中有何異物。可以延客。五

俺國中空洞無物。久絕烟火。只有南海進貢一橘。大如由旬。

至今無人剖開。久番無用。請取來先生剖之。其中或有所得。

末取來。丑。淨。担橘上。用黃布覆。二老在內。科。末。果然好橘。請

為橘頌。后皇嘉樹。橘徠服兮。青黃雜糅。文章爛兮。受命不遷。

坐南國兮。先生請共剖之。生。末。共剖橘。去布。二老對坐。圍碁。

不動。生。末。大驚。科。

香柳娘生呀。是何人在中。又堅深無縫。混沌鑿破。空虛性勾碁。

思正濃。又何處賭輸贏。須臾爛柯柄。看縱橫路明。又打劫。末。終。

此局難定。二老相對大笑科。一老：你輸我蓬壺一座。閨苑三山。三千年後須當還我。二老：啐！你輸我火棗十斛。瓊漿千石。待東海揚塵。却來勾帳。外：鳴鑼。一老：躍下不見科。末：遺下一石。棋子待我看來。

前腔。末：想黃中暗通。又：恒沙透孔。仇池九有蓮花洞。羨女媧煉功。又：星斗亂棋枰。正：閨還分統。嘆空中。又：空。又：困盡英雄。此局全勝。末：憔悴江干不自由。生：相逢騷客嘆淹留。末：已知幻內仍藏幻。生：誰信舟中別有舟。末：下生吊場科。怪哉！怪哉！原來此甲有如許光景。不免再回故道。別覓出頭。呀！一路行來。只見

一堆魚骨。蛻為大廟。我小舟繫於平地。波瀾俱息。人烟四通。正好去也。

尾聲。藏身六息。渾難定。好辦扶搖。接順風。俺總知舟海雲濤路。不窮。

魚腹來尋楚大夫。橘中勝敗意何如。鯤化鵬飛認有無。分明指與真實相。

何生以魚腹為華胥之笑。又何須覓屈子賦。騷耶。橘中老人嘆之固宜。

何人述
向云此後再無問津之人。作者渡世熱腸
不覺露出真情之幻。添園遊席矣。

丁野鶴評

老鯨可恨却將一舡人吞入鼎
海何物屈生迺欲竟葬此腹中
耶

丘柴村評

第六齣

舟外尋舟

生負舟上騎驢還覓驢。傍人見了笑。吾舟還得舟。再返來時
道。俺何生自與一班異人遊海求仙。分明記得泊舡海邊上。
一小舟垂釣。不知如何便落一黑暗之地。幾乎悶死。又不知
如何又白洞洞的鑽將出來。且喜孤舟無損。故我猶存。不免
負此小舟。再尋舊路。找覓大舡以完仙遊之約。有何不可。

耍孩兒。巨瓢飄泊全無岸。俺好似隻履達摩折葦還。心堅不怕
魚龍亂。俺紙舡善過十重水。那管他鈿浪來搥九里山。真個是

金剛漢。一任他翻天攪海。俺這裡穩坐漁舡。俺想小舟垂釣之時。落在黑暗洞中。是好苦也。

五煞。熱騰騰似有烟。黑沉沉不記年。等閑改。變來時面。好一似蝸牛縮角。藏蠻觸。蟻夢排衙。聚市廛。那裡辨秦和漢。分明似投荒鬼窟。只當做避世仙源。俺何生想來好呆也。分明有一隻大舡。是我自己上東海。遠遠賃將來。得上边有許多異人。仙姬寶瑟。瑤箏。玉簫。金管。是我受用不盡。得如何棄却大舡。反將岸边小舟。認為已有。濟得我何生其事。不免委之而去。竟覓

原舡便了。作委舡科

四煞。我分明有大舡。過東洋路幾千。金珠錦繡誰能換。銅篙鐵舵。仙翁坐錦纜。牙樯玉女牽。那用着這葫蘆片。棄了這小乘家法。繞找着大道因緣。怪事怪事。俺想當日下舡上岸。同崑崙奴在此閑步。不足半里之遙。如何行了半日。只見一片荒荒沙漠。漫漫桑田。那大海重巒都不見了。天那天那。我何生的大舡。知在何處也。

三煞。繫檣桅住此灘。避風濤緊靠山。還記得。板藤附葛。曾登岸。怎麼這荒田漠漠。全無水。野草離離。但見烟。何處把舟人喚。難道海龍王。也是個流客。常搬了去。得好一似迷蕉失鹿。落葉驚

蟬。就是那笙歌簫管。仙客名姝。也不是假得。如何都不見了。
二煞。記仙姝環珮。翻想名流聯句篇。花攢錦簇。笙歌按。難道魚
遊水內。全無水鳥在天中。未有天實相。何曾幻。分明是橘中蓬
閣。到做了夢裡邯鄲。

一煞。嘆空身兩手拳。想前舡與後舡。海枯舟失。無牽絆。楚君客
若思亡屨。蜀帝春心托杜鵑。道法真難見。俺待去無中覓。有。又
何須缺處求。全。俺何生今日大舡不見。小舡已拋連海。也是不
見得了。赤手空拳難回故國。只得向前尋覓便了。

煞尾。如沉醉似失顛。俺待把神州赤縣追尋遍。只怕岐路亡羊

認道偏。

芒鞋踏破問浮槎

誰信蓬山別有家

俱道黃梁能作飯

也知鉄樹解開花

逐羶海上沉丹腹。中裏樂之事。自然不同。

終出魚腹便於唱。一套耍孩兒。即此是題。

凡根器。

丘海石評

第七齣

再晤仙源

普賢歌淨扮西番僧上天開靈鷲鎮江皋地湧金鰲插絳霄幢

播雲外飄魚龍門內潮這個祇園天下少禪林月出山河白大

海潮回天地青老僧乃西洋番僧惠廣禪師是也來遊中國

行至潮州地方海邊有一大寺乃是魚骨造成高可數仞廣

足千人也不知此魚有多少大哩故老相傳在大唐開元年

間潮過落出此魚長有數里高若丘陵後來潮退魚枯蛻骨

於此構成大寺一座內塑魚籃大士上女皈依香火甚盛今

日七月十五日不知有何香客到此

滿江紅生上陵谷遷移如夢覺逢人堪弔向青磁方枕來尋故

道遼鶴已歸城郭變林鳥空匝南枝遶芒屨千里訪孤航烟波

渺俺何生一路行來海枯天盡不見俺大船消息來此南海地

方遠遠見一古刹借此隨喜或可訪問揖僧科請問禪師此

寺何名小生暫借僑居呀寺門扁額分明寫魚骨之寺正是

風高未化掉空翅骨蛇空傳海大魚作驚嘆科僧請問先生

因何入門嗟嘆必有故也請教

桂枝香生東洋片客南溟寸沼變風雲細細神鯤蔽日月區區

小鳥嘆枯魚可憐又腮顛堪暴丘陵骨老枉波濤鱗甲依然在
風雷一霎消俺想此魚也不知起了多少風波一旦至此

前腔僧排空日耀橫行山倒湧風波川岳掀騰鼓鱗鬣乾坤輕

掉委泥沙自矜又螻蟻相咲咿啞莫保落江潮真個是白骨千

年恨清波萬里遙生借問禪師此處南海可曾見有大船載得

許多高人美色至今在否僧壁上番偈下科生你看耆僧番

偈壁上竟自去了念偈科大海歸何處神鯨腹已空如問真

消息更覓鉄舡峯但不知鉄舡峯在何處遠遠見一雲水道

姑不免相問

步步嬌旦扮道姑上綰青霞路接丹山鳥。蓮蹙凌波窈。雲裳羽
葉飄天上。人間是處情根照。青鳥隔重霄。武陵何日回仙棹。青

牛久已辭。駝。白鶴時來訪子孫。自家乃西子。扮作雲水女
冠。遠接何生。今幸相遇也。生前擇科道姑何來。旦我乃鈇舡

庵女冠。請問相公何往。生呀。請問道姑鈇舡峯在何處。

醉扶歸旦你道遠迢迢路隔在瑤天表。不知俺望依依人傍赤

欄橋。鈇舡峯不繫桂蘭橈。亂雲松當做絲綸釣。不須提三生石

上。舊根苗也依稀。月明千里來同調。此處乃蒼梧蓋境。曾有鈇

舡一隻。浮於空山半岸。至今舡柁皆全。又無人迹。但於良夜

月明時。聞仙樂悠揚。相傳有可人列此。鈇舡自動。不知相公

問此何故。此舡不遠也。

皂羅袍生原來是丹壑潛移圓嶠。欲藏舟碧海難覓歸潮。變花

何處舞纖腰。錦囊幾許埋芳草。雲函霞篆名山秘。韜霓裳酒器

懸崖護牢。我想當初才子佳人不知今在何處。只可惜千秋詞

賦和那傾城貌。

好姐姐旦遍青山翻如翠濤。孤舟外紛然荇藻。丘陵雖變仙帆

依舊飄搖。前山不遠只在明月之下。便請同行。生旦作同行科。

你着鈇舡半露山風四起。隱隱有憑虛御風之意。想此舡不

仙人遊

久即歸矣。合開憑眺。盈盈弱水。明還杳去。去秦源。近可招。

琥珀猶兒墜。生山脚。斜照雲盡。楚天遥。錯認仙門石上敲。漁郎

空泛武夷桃。無聊怕花隱。仙源世隔。漁樵。

前腔。巨緱山鳳去。明月冷吹簫。碧竹湘娥。和淚澆苔花。蝕盡翠

雲。翹苗條。看舞罷歌殘。綠暗紅消。相公就此暫息。明日早行必

有所見。巨下

尾聲。生空山難把漁人叫。俺只見一派猿啼虎嘯。但恐野渡無人。舟自老。

朝遊東海暮蒼梧。

行遍天涯訪玉壺。

且將洞口仙舡覓。

不踏琴高舊鯉魚。

鯨魚化為古剎。孤舟化為烟。
巖。西子化為雲水道。兒何
生。聲色安緣一時頓盡
矣。

宋玉撰評

仙人遊

三

第八齣

知津得渡

淨扮左慈崑崙奴同上桑田變海海成田一局碁收幾度遷

若要鉄舡能過海先尋枯海後尋舡何生何生你夢好醒也

生大叫上大海何曾乾舊舡原自止不遇吞舟魚安知幻如

此淨我且問你你既墮入魚腹因何得出生我進得去便出

得來淨你既有力負得小舟因何放下生我拿得起便放得

下淨生大咲科

泣顏回淨回首笑呵呵覓空舡到海無多情根牽鎖過吞舟吸

盡山河隨風泛波。老鉗鎚煉得魚腮破。合又何須再問仙舟。一時間打破砂鍋。

前腔主石人點首問東婆。銅橋渡海。錢樹婆娑。舟橫弱水。任魚龍出沒。騰那都無奈何。把東洋一躍平平過。合苦功夫既犯思為認虛無。又墮枯魔。內云大缸已回海上。將近蓬萊。衆仙客衆

美人請候登舟生同淨來也

淨兩個盲人亂闖

外喜殺山頭二雀

生一拳打破虛空

淨猢猻鑽入牛角

荷鈔

第九齣

龍會仙筵

淨扮鯨精舞上

短短一根禿尾。粗粗兩道長鬚。渾名叫做老

鯨魚。水內幫閑知趣。開共蝦婆鬪嘴。悶與鯽士聯詩。曾隨水

怪開天衢。慣學吞舟行事。丑扮蝦婆舞上休說吞舟利害。且

問吞者何人。魚腥鱗真不堪聞。以好吞來攢糞。若遇八仙過

海。忽然張口如盆。吞來搗破春架觔。吃淨肝腸和腎。話休絮

煩鯨哥。我且問你。當初十年前。曾記你吞下一舟。更人都吃

在肚裡。後來變成大恭。還是一泡尿尿了。淨不消提起。我老

鯨一生吞舟。這就是第一件傷氣事。舟兒不大不小。人兒不瘦不肥。一口吞盡縮成塊。藏在大腸以內。作打科。先用拳頭亂搗。猶如擂鼓聲催。我渾身似火。變成灰。被他裂腸抓肺。要使益湯嘔出。那人其實能為他。在我咽喉之下。亂尿尿。添出許多臊味。丑。鯨哥難道那船還不化得。豈不撐破肚腸。淨學使舡科。他學果盪行舟肚內。一時撐去撐回。將我的肋巴骨兒做舡桅。編個舡歌。耍戲。淨唱蘇州歌使舡科。他道奴奴子生來好耍子。個舡囉。一撐撐子個大江子邊囉。俺釣子個魚來要吃個鯨魚子。鯨囉。好一似揚州關上姊妹們。不知床

上子個黏來床下子個黏囉。我想那廝在我肚內。幾年連舡也拐得去了。可有這等事。內云。鯨蝦二將聽令。可催辦水族

鼓樂。打掃海藏龍宮。迎接群仙。來遊水府。速速請到。不得有

違。淨仙人姓甚名誰。今在何處。內云。即是你前年吞得河生

現在蓬萊山下停舟。令到速行。淨驚科。我的爺爺有這等事。

原來他是神仙。怪道不死。這怎生見他。只得走一遭也。下生

同淨丑小生旦小旦貼雜上。淨今日東海龍宮有書相招。大

家走一遭也。生願隨。內作樂象行科。未扮龍神龍女雜扮鯨

蝦上。作迎科。不知上仙遠來。有失迎接。敬掃水榻。暫駐仙轡

〔淨〕貧道雲水狂遊，衆仙慈悲普渡，接引高人，擅登寶府，殊深
悚息。共揖科。〔末〕這是水晶宮了。〔淨〕你看雲母屏開，蝦鬚簾捲，
瓊樓四角，皆掛明珠，玉榻兩行，盡舖冰簟，是好富貴也。〔末〕

蝦二將行酒。〔外〕作樂內行酒科。

畫眉序。〔淨〕殿影蘸清波，紫閣森森，霜氣鎖。〔生〕見龍盤冰柱，鶴舞
瓊柯。〔小生〕辟塵香霧，縠飄來，碧螺盃蔗漿透過。〔合〕分明自有瑤
臺樂，人間那得知麼。

前腔。〔旦〕素月漾仙娥，冰簟雲潭浸花，朵見珊瑚成樹，綃錦流梭。
氣陰陰似雪生寒，香馥馥如春不落。〔合前〕叫一班女樂來奏樂。

送酒。〔內〕作樂，龍女舞科。

前腔。〔生〕蝦鰍奏笙歌，依舊是霞帔仙粧，雲篆累。見崑崙鱗介，簇
簇龜鼉，憶吞舟鼓腹曾遊，豈酒鰕舉杯相賀。〔生〕目鯨精科。你莫
非前日吞舟故人乎。〔淨〕避謝不敢科。〔合前〕

前腔。〔末〕水府接銀河，控扼蓬壺，司筦鑰，縱狂瀾既倒，終不揚波。
叫將帥，可將酒席移入玄綃閣，請龍女陪衆仙子，看鮫女織冰
綃，可於金光殿設素宴，請列位仙客，開海藏佛經，仙書丹法，任

披尋龍藏千函，聽檢取明珠幾顆。〔合前〕
棹角兒。〔旦〕合唱行科。羨冰絲鮫淚滂沱，織輕梭雲光繁錯，泣湘

妃淚竹英娥洒牛即穿橋烏鵲。這些鮫人呵。多少傷心事。淚珠
兒不斷也。只是為着天。為着地。為着你。為着我。簌簌梭梭。合淚
珠成梁。淚點成河。這的是普天怨種。海內情哥。下

前腔生東縹緗朱籀。嗟峨展瑤函。金光閃爍。恨人間難覩奇書。

入龍藏方知大藥。又何須問軒轅。畫義卦。讀疇範。叅河洛。必必

波波。合秦灰易火。脉望成魔。怎能勾藏書海底。結社蓬阿。末句

生下李先生千古才名。今日此會不可無詩。請一詩。晉鎮水

府。淨俺老鯨自從脫殼換骨。也曾吞得幾個酸子。學了兩句

油腔。斗胆請教。免笑何如。生使得。淨吟詩科。百尺深潭萬丈

龍生這等十丈小潭。如何容得萬丈龍。欠通些淨。如今世上

那有寬容地方。李先生詩說白髮三千丈。如今那裡覓來。况

這龍是會變化的。還有九千九百九十九丈。在半天上。也說得

去。生請吟下句。淨吟科。轟雷掣電下天宮。生太雄豪了。淨這

是李滄溟派。專講氣格。待我學竟陵派。續完。吟科而今青海

成黃土。做個泥鰍。樂在中。生如何忽然自小首尾不稱了。淨

先生不知如今都是先大後小。這是隨緣度日。就水和泥。請

教請教。生請問以何為題。末請以明月為題。生吟科。明月幾

時有。把酒問青天。不知天上月。今夕是何年。起舞弄清影。何

似在人間末好詩好詩可惜被蕪東坡抄去了叫鯨蝦三將
可送珊瑚百樹明珠一斗冰綃龍錦千端與衆仙權作抽豐
不堪為禮丑扮王陽我這金丹是用不着的了回敬老龍罷
未丹在當身求之何有不求而足是名真丹既曰真丹無分
水火衆謝科生多謝了

黃鸞兒生歡咲舞天魔醉龍宮錦繡窩窮酸眼孔從來餓月明
珠幾多珊瑚樹幾科抽豐不似今朝大合眼偷睃嬌嬌龍女不

肯換村婆
尾聲生水中明月無痕過末一首新詩堪謔合任取滄海成田

俺放浪歌

生醉把玄言問老龍末瓊芝朱草蔚青青
淨應知滿座烟霞客生中有遼陽鶴姓下

何生魚腹中本領却被老鯨揶科演出太
白明月一詩又得老鯨幫襯乃知吞舟
一案大是慈悲接引真堪為太白騎之
而遊天上矣良友鍾一士評

諸客已鬻龍宮珠寶。復有抽及龍女
之想。何物何生。敢煩入幕。即由
空比軍多。
張詞臣評

第十齣

舟歸蓬海

丑扮舟子上。橫着成海側成峯。遠近浮沉一任風。不識蓬山
真面目。只緣身在此舟中。俺奉仙師成連之命。曾將渡海鉄
舡賃與何生。遠遊今道果完成。將還仙島。正好交還原舡。使
他凌虛而去。衆相公好順風好順風。今日回東海去也。

破陣子生上九曲河流將轉。兩輪日月如丸。丑且喜舟輕歸

路便。一葉浮萍天地寬。衆上桃花失歲年。生弱水千重一葉過。

月明開起弄漁簑。淨當時只說蓬山遠。丑及到蓬山路不多。

生 俺何生自與諸君遠遊。遍歷龍宮。貝闕。圓嶠。方壺。遊興已窮。虛舟自返。舟子你可放舟東去。再尋故道。我與諸客就此話別。小生外末旦小旦衆上介

新水令生片帆一葉帶雲還。看不盡落霞歸雁。潮平偏有月。風定已無山。歷盡潺湲。又望東洋。依然彼岸。

步步嬌旦衆蓬萊飛渡波清淺。一界天如線。仙帆萬丈牽。鏡裡方壺隱隱。波心現。鶴背冷瑤天。怕桂花飄落清虛殿。

折桂令生衆望蒼茫駕霧凌烟。走了些風風水水。曲曲灣灣。到如今萬頃茫然。波平不動。帆影高懸。忒楞楞桃花浪暖。冷淒淒

蓼葉霜寒。月落西天。鳥倦東還。又何須伴浮鷗泛浪千重。俺已是化神魚跳過三山。

江兒水旦衆弱水明如練。浮丘湧若蓮。虛飄飄一任風波漩亂。騰騰看盡鯢鰲變。喜孜孜走的蓬壺遍。一似還丹九轉。兩翅扶搖。依舊是葫蘆一片。

鴈兒落帶過得勝令生衆再不去夢蘆廬蝶翅翻。再不去暴腮。顛龍門點。再不去覓玄沙赤水珠。再不去下鉄網珊瑚壑。遇吞舟已過萬重山。別人的險峻俺替他担。割斷了相思縹。打開了罔象關。開舡俺待去跨鯨魚遊天半。清也麼閑。一任俺枕蓬窓。

一覺眠來行介

僥僥令且衆丹霞天際杳碧海幾曾乾玉宇瓊樓同歡宴少不

的話別離咫尺間丑扮舟子舡已近岸蓬山不遠夢衆相公

和這夢小娘子少不得先要下舡俺這大舡原是何相公貨

來的到岸交卸那舡主在此等舡錢爭當初列位叫仙原有

坐來登舡列位仙子也有坐得蓮舟俱在岸邊便請兩下回

舡並舟而行各歸舊路小生作揖生登舟行介空作揖且

登舟行介

收江南衆呀早知道分離堯率天下蓬瀛路幾千空教俺渡成

玉女送霞箋緱山仙客返青鸞想情緣尚牽又又說是道人有
夢不曾開

園林好生望故小烟迷翠攢美虛舟石破波穿遠遠見風濤拍
岸登覺路出危瀾又

沽美酒帶太平令衆行介看蓬萊如一拳東洋路似杯懸只有
本地風光落眼前詩和酒何須唱酣寶和玉終須棄捐吸西江

把銀河撥轉洒醍醐把滄溟倒挽俺呵那怕他天翻地翻山殘
水殘呀却為灰缺舡不爛衆作下舡介小生衆天門劈破浪成

堆小旦衆客散還從去路來衆下生不是一篇明月賦丑何

綠滿載寶瓶回。丑扮舟子相公你身已登岸這船也是用不
着得了。指介你看那壁廂主人翁來也。生上岸回頭看丑
不見介呀如何連船也不見了。

清江引。生世間苦海如波捲萬物浮漚散仙舟何處來。仙客常
相伴。一天秋俱付與明月管。

曾訪成連海上舟

夢中時與化人遊

漢唐人物方為友

叔季聲歌不耐愁

舌底青蓮爭錦瑟

席前白雪幻丹丘

年來游戲成三昧

華表空疑姓字晉

舟。逐。仙。源。如。劫。從。劫。開。推。此。是。煩。
惱。菩。提。拔。救。千。年。之。死。同。坐。堂。
打。見。野。航。疏。史。不。妨。傀。儡。冰。壺。
就。中。竿。木。隨。身。日。見。在。海。岸。
道。力。

海岸

